


落
颿
樓
文
稿





稿文樓飄落

撰 圭 沈

編主五雲王

編初成集書叢

稿 文 樓 颿 落

中華民國二十五年十二月初版

大

撰 者

沈

奎

發行人

王

雲

五

上海河南路

印刷所

商

務

印書館

館

上海河南路

發行所

商

務

印書館

館

上海及各埠

落颿樓稿序

穆與子惇交。以談藝深相契也。及子惇歿。且十年。讀其與鄧王騰軒大令書曰。齒於知名之士。不敢妄相投契。必求其有性情者。乃與訂交。故兩載留京。僅得平定張碩洲一人。然後知余之不見棄於子惇以此。余無似。不足辱良友知。然子惇取友之義。則嚴矣。子惇以道光十五年入京師。館徐星伯先生家。先生數爲言其地學之精。越一年。乃相遇於道州。何子貞同年所。卽承以長春西游記。金山以東釋見示。并讀其落颿樓文稿。此所刻前二卷是也。由是往來遂密。又越四年。而子惇遘療疾。卒於會邸。時子貞扶文安公柩歸里。穆朝夕守護醫藥。比視含斂。殯棺野寺。哭奠成禮乃去。至始終經紀其喪。則星伯先生一人而已。先是歲壬辰。文安公視學浙江。子惇以庸蜀光髻微。盧彭濮攷爲文安所首拔。未幾。文安召還朝。新城陳碩士侍郎繼之。又以尙書古文考。毛詩古音考。爲侍郎所賞。歲甲午。遂以優行貢成均。時年三十有八矣。程春海侍郎嘗讀西游記。擬爲一文。疏通春廬宗丞跋所未盡。及見子惇跋。歎曰。地學如此。遐荒萬里。猶目驗矣。我輩枵材。未足語於是也。又嘗與張淵甫孝廉論禮服。往復詰難。百辯益堅。淵甫瞠不知所答也。子惇留京師。爲桐城姚伯印總憲校國史地理志。寓內城。間旬出相訪。則星伯先生爲羶羊炊餅。召余共食。劇談西北邊外地里。以爲笑樂。余嘗戲謂子惇生魚米之鄉。而慕藟蒼麥。南人足不越關塞。而好指畫絕域山川。篤精漢學。而喜說宋遼金元史事。可謂三反。子惇聞而軒渠。以爲無以易也。作字模範鍾王。而

偏旁點畫。必斬合於六書。當道州新城視學浙江時。日照許君印林皆在幕中。印林嘗爲余言。鎖院得子惇卷。如辨古金款識。淺學者或不能盡識。輒傳觀以爲奇寶。至爲賦頌駢儷之文。則又精雅似六朝小品。蓋其多藝如此。性沈默。每當衆論鋒起。拈髭靜聽。若都不解。及客退。而發其乖違。斷斷不少假借。故於一時才士。子惇既少所許可。人亦或畏且忌之。不甚內交也。庚子十月。忽手錄所譔漳南滄北諸水考見貽。其意懇懇然。若有所諄屬者。未及一月。而子惇病且死矣。垂殯。猶力疾檢施北研遺山詩箋初印本相付。北研者。烏程老儒。孰於金元掌故。子惇所嘗從問業也。茲余爲靈石楊氏哀刻叢書。爰取子惇遺稿。合以子貞所藏前二卷。都爲一編。附梓問世。嗚呼。自子惇死。余多得金元遺文。每恨不能起我良友共讀之。偶有纂述。至山回水互診脈俱窮之際。益思得如子惇者助我。而至今未一遇。乃星伯先生卒亦且二年矣。寡聞之慨。其有旣哉。道光二十九年閏四月。平定張穆序。

落颿樓文稿卷一

六鎮釋

清 烏程沈荃子敦撰

後魏六鎮。沃野最西。懷荒最東。沃野、懷朔、武川三鎮。詳元和郡縣志。柔元鎮見水經注。灤水篇。懷荒鎮見太平寰宇記。雲州下。獨撫冥鎮。地志家皆不言耳。魏書高祖紀。太和十八年秋八月。行幸陰山。癸丑幸懷朔鎮。己未幸武川鎮。辛酉幸撫冥鎮。甲子幸柔元鎮。自西而東。則撫冥在武川之東。柔元之西矣。詔六鎮及禦夷城。年老孤貧廢疾者。賜粟有臯。各有差。則禦夷在六鎮外矣。元和志。西受降城。正東微南至天德軍。一百六十里。天德軍東南至中受降城。二百里。中受降城。東至東受降城。三百里。東受降城。東北至單于都護府。一百二十里。沃野故城。在天德軍城北六十里。後魏六鎮。從西第一鎮。懷朔古城。在中受降城界向北柵側近。後魏六鎮。從西第二鎮。武川城。在東受降城北三百里。元和志原文。作在軍北三百里。案軍降城置振武軍。天寶四年。節度使王忠嗣。移于單于大都護府。在軍北者。據振武未移而言。振武軍北。即東受降城北也。後魏六鎮。從西第三鎮。案水經河水注。白道中谿水。發源武川北塞中。南流逕武川鎮城。又西南出山。於雲中城北。南注芒干水。塞水出懷朔鎮東北荒中。南流出山。西南入芒干水。芒干水。又西南注沙陵湖。考沙陵湖。即唐金河泊。元和志。東受降城。在勝州榆林縣東北八里。金河泊。在縣東北二十里。周回十里。雲中故城。在縣東北四十里。沙陵湖。及雲中故城。皆

在東城東北。則塞水亦在東城界。然則懷朔鎮在中城東北界。西去沃野鎮遠。而東去武川鎮近矣。水經灤水注曰。灤水東徑潘縣故城北。又東逕下洛縣故城南。又東左得于延水口。水出塞外。柔元鎮西長川城南小山。東南流逕且如縣故城南。又東南逕馬城縣故城北。又東南於大寧郡北右注雁門水。又東南逕小寧縣故城南。又東南逕大寧鎮故城南。又東南逕茹縣故城北。又東南逕鳴雞山西。又南逕且居縣故城南。東南注於灤水。寰宇記。雲州雲中縣下引入塞圖云。平城直東行二百二十里。至高柳城。又東行一百八十里。至代郡城。又東北行一百七十里。至大寧城。當涿郡懷戎縣北三百里也。從大寧西北行百。里至懷荒鎮。案懷戎縣。唐爲媯州治。今宣化府保安州地。本漢潘縣。大寧城。當懷戎縣北三百里。則是後魏大寧郡懷荒鎮。在大寧西北百里。則西去柔元鎮甚近。柔元鎮。唐爲天成軍東北境地。懷荒鎮。唐爲納降守捉地。元和志。單于大都護府東南至靜邊軍一百二十里。靜邊軍東至雲州一百八十里。雲州東至清塞城一百二十里。又東至天成軍六十里。又東至納降守捉九十里。與幽州分界。計自單于都護府至天成軍四百八十里。而武川鎮又在單于府西北。柔元鎮又在天成軍東北。武川至柔元約六百餘里。而撫冥在其中間。然則六鎮相距遠近。約略可知矣。以今輿地言之。沃野鎮城在吳刺忒旗西北。懷朔鎮城在吳刺忒東北。武川鎮城在歸化城西北。柔元鎮城在正黃旗察哈爾東南。懷荒鎮城在正黃等四旗牧地。南歸化城之東。爲四子部落地。歸化城之東南。爲鑲藍旗察哈爾地。四子部落之南。爲鑲紅旗察哈爾地。鑲紅旗察哈爾之東。爲正紅旗察哈爾地。正紅旗察哈爾之東。爲正黃旗察哈爾地。正紅旗察哈爾之

南爲太僕寺右翼牧地。正黃旗察哈爾之東。則正黃等四旗牧地也。自正黃旗察哈爾。西至歸化城五百餘里。不知撫冥鎮在今何地。然則六鎮故城不可考者。獨撫冥耳。

新疆私議

自古制戎狄之道。無不以通西域爲事。漢置西域都護。斷匈奴右臂。而單于入朝。唐平高昌。滅焉耆。取龜茲。于闐。疏勒等屬國於突厥。列爲安西四鎮。扼諸蕃走集。則北不患突厥。南不患吐蕃。建武時。西域請復內屬。光武辭不許。意非不美也。而永平中。匈奴卒協諸國共寇河西。明帝命將討匈奴。取伊吾廬地。卒通西域。而後寇息。武后時。吐蕃將論欽陵。請罷四鎮兵。后從郭震言不許。逮上元後。河西隴右皆陷沒。而李元忠守北庭。郭昕守安西。與沙陀回鶻相依。吐蕃百計攻之不下。是時唐室多難。強臣方命。而吐蕃兵終不能踰隴而東。固由鳳翔涇原。唐皆屯設重兵。亦未始非畏安西北庭之議其後。有所牽制而不敢逞也。元定西域。而後取中國如拉朽。宋墮夏州。不救靈州。於是西域爲黨項隔斷。而契丹不能制矣。明不阬玉門陽關。而守嘉峪。於是中葉以後。蒙古諸部北擾延綏寧夏者。遂踰涼甘。絕瓜沙。據青海。而東擾河洮岷矣。然則隔絕羌胡姦通之路。使不得并刀東寇。西域誠要地哉。而論者或謂竭內地以事外夷。散有用以資無用。不知外夷不守。防守將移在內地。而費益不貲。西域地廣。饒水草。其處溫和。田美。種五穀。與中國同時熟。誠廣行屯田積粟之法。卽有軍興。可無需中國餽運。然則謂西域絕遠。得之不爲益。棄之不爲損。眞迂士之論。而不審於漢唐之已事者矣。然漢之都護。雖統率南北二道。固非有其地也。唐所有者。僅車

師前後國及焉耆地而龜茲以西爲國如故也。我國家皇靈遠鬯威德遐宣風行所及日入以來皆慕化輸誠願爲臣妾。高宗皇帝平伊犁定回疆闢地二萬餘里漢唐所謂烏孫西突厥及蔥嶺東城郭諸國均編入內地有重臣鎮守則昔之羌種塞種今皆天子生全長育之民昔之窮荒極遠界在區外之國今皆國家出貢賦列亭障之地矣。夫漢不有西域地然棄西域則河西受敵唐不有龜茲以西地然棄四鎮則伊西庭三州單弱故當時君臣深謀遠慮悉力與匈奴吐蕃爭而不肯棄也。況地皆王土民皆王臣隸版圖已久涵濡醲化已深者哉。前年逆回張格爾叛攻陷喀什噶爾等四城西垂自蕩平後休養生息六十餘年一旦逆賊猖獗調兵籌餉羽書旁午加以地界窮邊冰雪滿山戈壁匝地輓粟飛芻轉運難阻大臣以其懸遠難守欲棄四城皇上深仁覃覆不忍置遠方於域外謂英吉沙爾爲外蕃各國入回疆之總道棄之則朝貢路斷和闐南通後藏葉爾羌等城歲解伊犁銅布棉數萬棄之則伊犁經費有缺夫回部諸城北界雪山西戎蔥嶺四城據蔥嶺之要無四城是西面無門戶也。繇喀什噶爾而東據烏什而北鈔則伊犁之兵列城障而守繇和闐而東渡河而北則庫車以東諸城危波河而東經故曲先衛歷白龍堆而東鈔則安西敦煌諸州縣盡城守矣四城不可不復非一勞不能永逸且祖宗開闢之地尺寸不可失赫然震怒命將出師楊威將軍長齡等承聖旨統勁旅躍馬昆山之西投鞭計式之水三戰皆捷遂復四城曾未幾時逆首就獲安集延布魯特諸蕃益懾皇威稽首恐後蔥嶺以西至於海曲莫不震疊咸修職貢高宗皇帝開創新疆遠拓邊塞於萬里之外皇上敬繼祖武天戈所指電掃塵清誠所謂聖人之達孝善

繼善述者矣。然而元惡就擒，撫綏爲急。善後事宜，方勞聖慮。夫議者之所以欲棄四城，恐其空竭中國也。自軍興以來，所費誠不少矣。然漢不有其地，而都護校尉等官，監諸國兵，攻匈奴，未嘗勞費內地。諸國未屬漢時，匈奴置僮僕都尉，收賦稅，取富給焉。及旣屬漢，則發畜食，食漢軍，負水儻糧，雖苦迎送，然未嘗不給。漢所置田官，僅渠犂北，皆鞭數處，然未嘗匱乏。卽間有匱乏，亦不過發酒泉、敦煌、橐它負食，出玉門而已。未嘗擾及天下。國家回疆諸城，東西六千餘里，南北亦數千里。張格爾亡，虜小醜，非漢鄯善、莎車王有國有民者比。一朝竊發，朝廷以軍餽爲慮。昔之西域，分爲三十六國，國小地隘，然尙以自奉之餘，奉匈奴。奉漢而無不足。今之回疆，以阿克蘇以東數千里，膏腴沃衍之地，而不能足軍食，以備一小醜。何古今懸絕若斯耶？則以回疆鎮守諸臣，不講求於屯田積穀之道故也。西域經準噶爾、霍吉占之亂，人戶死亡略盡。大兵平定後，招集流離，漸就安集。夫龜茲有東西川焉，耆有敦薨水，皆左右其國城。水流逕通，枝津布濩。桑宏羊言：輪臺以東，水可溉田五千頃以上。誠穀食易給，足不可乏之國也。故匈奴賦稅之使，長居焉。耆尉犂危須間，而漢都護治烏壘，與渠犂田官相近。昭帝用宏羊前議，復田輪臺，亦與渠犂相連。今之庫車，古之龜茲也。今之布古爾，古之烏壘渠犂也。今之哈拉沙爾，古之焉耆尉犂危須也。今之海多河，齊召南水道提綱，所謂南源東流，經枯察北者，古之龜茲東川也。其在哈拉沙爾西者，則古之敦薨水也。哈拉沙爾等城，有灌溉之利。蒲魚、蘆鴈之饒。詳惠遠南
北河考而所安插之士爾扈特、霍碩特二部，不能力本農務，耕作，唯以盜竊爲事。新疆初定時，荊榛彌望，墾荒之人，聊無村落，故賦稅鮮少。僅足支給各官祿米。伊犁

兵食須仰給內地。其後荒地日闢。生齒日增。則經制亦當漸備。鎮守諸臣。誠以時度地形。益治溝洫。廣田蓄務儲積。則內地之轉輸可罷。蓄積益多。兵食益足。緩急有備。則雖犂大宛。蹈康居。斬郅支。亦非甚難事。何至以回疆奉回疆。而不能制一小醜哉。不知經久大計。令有以待卒然之變。但奉行成例。歲歲仰關內脂膏。以贍防守之卒。是守外徒以耗內。非衛內也。平時尙不免耗內。況有事乎。不欲耗內。則必棄外。此議者所以有四城縣遠難守之說也。然則遠終不可守乎。非也。不盡其守之道。故不可得而守也。不守遠必守近。而守近之費。不減於遠。或更甚焉。則何如盡守之之術。以守遠。不棄可耕之地於外夷之爲得也。夫所謂守之道。則屯田積穀而已矣。四城兵火之後。田廬蕪沒。邑郭空虛。宜及時量留官兵田要地。徙他處回戶實四城。益墾荒廢之土。不足則募民無田而壯健敢遠徙者。詣田所就耕墾爲本業。又令於閒暇時。習騎射戰陳之法。使人皆可用。且耕且守。有變。不至遙遙於萬里外。勞敝索倫兵。庶幾威服西國。四城浸灌之水。有蔥嶺南北河。又有于闐河。膏壤數千里。慮皆開設屯保。卒有外寇。蓄積足爲戰守之備。又何至開口望哺於關內有司。致虛耗中國也。漢徙渠犂田官披沙車地。田北胥鞬。僅一隅耳。然都護尙得以蓄聚之富。時出兵以威外夷。況今合疏勒。莎車。于闐諸國。數千里地而盡田之乎。四城屯政既舉。卽當益治阿克蘇以東之田。漢元帝置戊己校尉。屯田車師前王庭。明帝置宜禾都尉。屯田伊吾廬。西域永甘泉肥。無地不可耕。卽鄯善號爲沙鹵少田矣。而伊循城肥美。則漢置田官。水經注稱。敦煌索斷。斷注賓河。灌樓蘭田。遂成沃壤田。三年積粟百萬。今羅布淖爾。卽古蒲昌海。海西南。故樓蘭國也。其處回人以魚爲

糧不知稼穡。繇班固鄼道元之言觀之。則固亦可耕之土。漢車師前王國治交河城。元和郡縣志。西州交河縣。突所疑爲古交河有三。一在吐魯善城西三百里。一在城西四百餘里。一在城西二十里。在西二十里者近之。然其言曰。河自北而南。經吐魯善城西。其南兩源。皆出巴中。圖西南山。合而北與會。長二百里。舊疑爲古交河。考古所謂交河一水。分流於城下。如齊說兩水合流於城。西與古不合。太平寰宇記。西州交河縣。交河源出縣東北天山。東南如高昌縣。又曰。爲前庭縣。故元和志言交河在前庭縣界流入。然則古之交河。自今吐魯善城。其東南流經哈刺和卓界。高昌縣。天寶元年。改爲伊州伊吾縣。本後漢伊吾屯。納職縣。東北至州。水二百里。皆非古交河。然其地水泉之多。田之良沃可見矣。元和郡縣志。四十里。柳谷水有東西二源。出縣東北天山。南流十五里合。水後漢明帝。曾於此置宜禾都尉。柔遠縣西北至州。二百里。唯哈密有一河。在城東南。出縣北長百里許。案此疑卽元和志之柳谷水。唐書地理志。沙州壽昌縣西十里。至陽關。故城。又西至蒲昌海南岸千里。康鑑典爲鎮使以通四城者。又西二百里。至新城。亦謂之弩支城。鐵典所築。又西經特勒井。鄯善。在蒲昌海南三百里。康鑑典爲鎮使以通四城者。又西二百里。至新城。亦謂之弩支城。鐵典所築。又西經特勒井。守捉。又西經移杜保。彭懷保。坎城守捉三百里。至于闐。又曰。于闐東三百九十里。有建嘉力河。東七百里。至于闐。東有精絕。國。又于闐東三百里。有坎城鎮。東六百里。有蘭城鎮。西二百里。有固城鎮。西三百九十里。有吉良鎮。于闐東距且末鎮千六百里。元和郡縣志。沙州西至石城鎮。一千五百里。案伊脩。卽伊循之譌。史書中。循脩二字。每相混。漢書地理志。武都郡循成道。魏書地形志。戴校水經注。謂之羅布淖爾。亦曰賀。夫回部者。安西關內之藩籬也。四城者。又回

部之藩籬也。藩籬固。則腹心安。腹心實。則藩籬益固。今當實阿克蘇以東諸城。令皆有積聚。足待四城不虞之用。卽當實安西以東諸府州。以待回疆不虞之用。必使回疆有警。但取給於回疆。而不罷敵關內。而後關內安。不得已而徵及關內。但如漢時取給於酒泉。敦煌等郡。而不擾及天下。而後天下安。酒泉有呼鷺水。敦煌有南籍端水。氏置水。皆可溉田。宜禾效穀。著於前史。故李暹以一隅地。而能自立於羣雄竊據之時。使長吏皆如崔不意之力。田積粟。富盛可指日待也。漢書地理志。酒泉郡福祿縣呼鷺水。出南羌中。東北至所城。在高臺縣西北百二十里。呼鷺水。今日討來河。所入之羌谷水。卽至合黎之弱水也。太平寰宇記。肅州酒泉縣呼鷺水。一名潛水。俗又謂福祿河。西南自吐谷渾界流入。水道提綱。卯來河。源出肅州西南邊外青海西北境。有三源

辱其婦女。以積其愁苦冤怨之氣。然猶未遽叛也。一有桀黠凶悍之人。乘機鼓扇。而後向之窮志無聊者。皆揭竿起矣。不觀後漢之多羌患乎。西羌之雜居內地者。多則萬餘人。少或不滿千人。皆役屬郡縣。豪右不爲寇也。豪右旣奴虜使之。小吏黠人又侵掠之。郡縣又淫毒之。於是東羌西羌不勝其憤。相率皆叛。連及河首諸羌。東犯趙魏。南寇梁益。朝廷爲之移徙郡縣。以避其鋒。民不樂徙。則刈禾稼。徹室屋。夷壘壁。以驅迫之。不戰不守之守令。竟忍視民之捐老弱。沿道死亡而不恤也。民多死亡。羌寇轉熾。延及桓帝。數征數叛。段熲轉戰連年。盡殺之乃止。而漢之府庫已空竭矣。并涼二州已虛耗矣。讀范書西羌傳。見鄧騭任尙諸人。錯置乖謬。屢爲之廢書嘆也。使當日任虞詡以平羌之事。何至棄數千里險阻沃饒之地。以資寇哉。使二千石令長。皆馬不入廄。金不入懷之人。則羌亦一氣所生。何至屢征屢叛。必誅盡而始息哉。明之失交趾也。以鎮守中官之貪黷也。使得廉吏以撫之。交趾且至今爲冠帶之邦矣。故欲使西垂無事。必自鎮守諸臣。能仰體皇上安邊柔遠之心始。

蔥嶺南北河考附

漢書西域傳曰。西域南北有大山。中央有河。河有兩源。一出蔥嶺山。一出于闐于闐。在南山下。其河北流。與蔥嶺河合。東注蒲昌海。潛行地下。南出於積石。爲中國河。自玉門陽關出西域。有兩道。從鄯善旁南山北渡河。西行至莎車。爲南道。南道西踰蔥嶺。則出大月氏安息。自車師前王庭。隨北山渡河。西行至疏勒。爲北道。北道西踰蔥嶺。則出大宛康居奄蔡。水經注曰。河水出迦舍羅逝西山。山卽蔥嶺也。逕岐沙谷。出

谷分爲二水。南河東流。逕無雷。依耐。蒲犂。皮山等國北。又東與于闐河合。于闐河源。導於于闐南山北流。逕于闐國西。又西北注於南河。南河又東逕于闐。扞彌。精絕。且末等國北。又東詩會阿耨達大水。通爲注賓河。又東逕樓蘭國北。注牢蘭海。北河自岐沙東分南河。又東北枝流出焉。北河自疏勒經流南河之北。暨於溫宿之南。左合枝水。枝水上承北河於疏勒之東西。北流逕疏勒國南。又東北與疏勒北山水合。又東逕莎車溫宿二國南。右入北河。北河又東逕姑墨國南。姑墨川水。導姑墨西北。歷赤沙山東南流。逕姑墨國西。又東南右注北河。北河又東逕龜茲國南。又東左合龜茲川水。又東右會敦薨之水。又東逕墨山國南。又東逕注賓城南。又東逕樓蘭城南。東注蒲昌海。是蔥領水。分爲南北二河。于闐河。卽於于闐國西北合南河也。水道提綱。以塔里母河爲古于闐河。以海多河爲古蔥領河。其言曰。塔里母河。源出葉爾欽之大山。卽蔥領。葉爾欽在吐魯蕃西南二千餘里。卽古于闐國。塔里母河。卽于闐河。東北流至也勒七母之地五百里。又東北千五百餘里。經郭必伏行鹽磧中。又八百里。與一水自北來者會。又東二百餘里。爲蒲昌海。卽古鹽澤。爲洛普鄂模。此水源流三千里。其北來會之水。卽海多河也。案于闐河自南而北。蔥領河自西而東。于闐河。卽於于闐國西北合南河。葉爾欽以東東流之水。卽古蔥領南河。水道提綱。概指爲于闐河。失其實矣。又曰。海多河。卽古蔥領河。源出吐魯蕃西。稍南千五百里。領下山脈。自西南來。折而東與天山接。有南北二源出其下。一東南流數十里。經拉察勒北。又東南流。一東流十餘里。經枯察北。又東稍南數十里。而合東流百餘里。經它沙里克北。又東七十里。經古古勒南折。東南曲曲流百數十里。其北

有部落。其南皆郭必也。又東南曲曲四百里。有一河合數水。自西北來會。實北源也。北源又有東西二派。西源出吐魯蕃西千二百里。蔥嶺下。東南流百餘里。經烏那哈達哈領之南。又數十里。而東源來會。東源有三大水。自厄倫哈必拉寒南大山發源。卽天山也。俱西南流二百里。至克里忒之南五十里合焉。又南會東北來出閬多招地。經朱爾土思地之水。又西南百里。與西源會。二源既合。南流稍東百數十里。折而東流三百餘里。有楚庫河。自北來會。楚庫河出哈拉薛勒西北平地。東流百五十里。經楚庫西北。折而東南。經其西。又東南數十里。與東西二源會。又東南百里。而南源來會。始曰海多必拉。又東曲曲行沙漠中七百里許。經厄勒句海多地之北。又東南而塔里母河自西南鹽磧中來會。會處直吐魯蕃之南三百里。又東流二百餘里。經三塔里母村之北。又東爲洛普鄂模。洛普池。亭而不流。東西長。南北狹。周百餘里。在吐魯番東南三百餘里。哈密城西南六百餘里。直沙州西北千二百里。案元歐陽原功撰高昌懷氏家傳云。高昌者。今哈刺和綽也。今吐魯番東九十里。有哈刺和卓城。唐西州治高昌。則卽唐西州城。元和郡縣志。西州交河縣。東南至州八十里。則吐魯番城。卽唐交河縣矣。漢書曰。車師前王國治交河城。西南至焉耆八百三十五里。焉耆西南。至都護治所烏壘城。四百里。北史曰。焉耆南去海十餘里。東去高昌九百里。西去龜茲九百里。元和郡縣志。西州西南。至焉耆七百二十里。太平寰宇記。焉耆都督府。在安西都護府東八百里。唐書地理志。自西州西南。有南平安昌兩城。百二十里。至天山西南入谷。經礪石磧。二百二十里。至銀山磧。又四十里。至焉耆界呂光館。又經盤石百里。有張三城守捉。又西南百四十五里。經新城館。

渡淡河至焉耆鎮城。自焉耆西五十里。過鐵門關。又二十里。至于術守捉城。又二百里。至榆林守捉。又五十里。至龍泉守捉。又六十里。至東夷僻守捉。又七十里。至西夷僻守捉。又六十里。至赤岸守捉。又百二十里。至安西都護府。今吐魯番西南八百七十里。爲哈刺沙爾回城。又西南百五十里。爲庫爾勒回城。又西五百九十里。爲布古爾回城。又西三百里。爲庫車回城。土魯番爲故交河城。哈刺沙爾爲古焉耆地。庫車爲古龜茲國。道里與前史符矣。漢書曰。龜茲東至都護治所烏壘城三百五十里。烏壘南三百三十里。至渠犂。則今之布古爾。當卽漢之烏壘。而渠犂則在其東南也。漢書又曰。危須國西至焉耆百里。焉耆國南至尉犂百里。山國西至尉犂二百四十里。至危須二百六十里。尉犂危須故城。當皆在今哈刺沙爾界。水經注曰。龜茲川水有二源。西源出北大山南。南流逕赤沙山。出山東南流。枝水左派焉。又東南水流三分。右二水俱東南流。注北河東川水。出龜茲東北。歷赤沙積梨。南流枝水右出。西南入龜茲城川水。又東南流。逕於輪臺之東。又東南流。右會西川枝水。水有二源。俱受西川東流。逕龜茲城南。合爲一水。東南注東川。東川水又東南逕烏壘國南。又東南注大河。水道提綱所謂枯察。卽庫車所謂古古勒。卽布古爾所謂南源脈。其經流則東川水也。水經注又曰。大河又東南右會敦薨之水。其水出焉耆之北敦薨之山。二源俱道西源東流。分爲二水。左水西南流。出於焉耆之西。逕流焉耆之野。屈而東南流。注於敦薨之渚。右水東南流。又分爲二。左右焉耆之國城。在四水之中。南會兩水。同注敦薨之浦。東源東南流。分爲二水。澗瀾雙引。俱東南流。逕出焉耆之東。導於危須國西。又東南流。注於敦薨之藪。川流所積。潭水斯漲。溢而爲海。